



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry for Education

Broj: 01-03/02-04-24618-328/23  
Sarajevo, 23. 10. 2023. godine

**SKUPŠTINA KANTONA SARAJEVO**  
n/r Okerić Elvedina, predsjedavajućeg Skupštine Kantona Sarajevo

**PREDMET: Odgovor, dostavlja se**

Cijenjeni,

**Zastupnica** u Skupštini Kantona Sarajevo **Jelena Pekić** u okviru tačke Dnevnog reda „Poslanička/zastupnička pitanja, inicijative i odgovori“ uputila je **zastupničku inicijativu**:

„*Za kreiranje programa prevencije upotrebe SNUS-a od strane maloljetnih osoba u osnovnim i srednjim školama na području Kantona Sarajevo*“.

**Odgovor:**

Koristimo priliku informisati Vas da se u osnovnim i srednjim školama realiziraju sadržaju u skladu sa Nastavnim planom i programom. Godišnjim programom rada svake škole i dodatnih saglasnosti koje Ministarstvo za odgoj i obrazovanje dostavi određenim nevladinim organizacijama. S tim u vezi, prilikom realizacije aktivnosti usmjerenih na prevenciju neprihvatljivih oblika ponašanja cilj je jačanje karakternih osobina ličnosti učenika i jačanje zaštitnih faktora, a smanjenje rizičnih faktora koji mogu dovesti do manifestacije određenih neprihvatljivih oblika ponašanja.

Na početku školske 2023/2024. godine Ministarstvo za odgoj i obrazovanje dostavilo svim osnovnim i srednjim školama akt u kojem se traži da se u IX razredu osnovne škole i od I-IV razreda srednje škole sa svim učenicima realiziraju dva nastavna časa u toku školske godine zajedno sa predstavnicima Uprave policije MUP-a Kantona Sarajevo pod nazivom „Stop upotrebi psihoaktivnih supstanci“. Također, sve osnovne i srednje škole će u skladu sa Godišnjim programom rada i Nastavnim planom i programom realizirati različite sadržaje usmjerene na prevenciju zloupotrebe psihoaktivnih supstanci.

Važno je istaći da je Institut za razvoj preduniverzitetskog obrazovanja pripremio Program prevencije ovisnosti. Navedeni program se temelji na nizu naučnih spoznaja i smjernica koje su ugrađene u relevantne dokumente. Prepoznat je značaj provođenja preventivskih programa i intervencija koje se temelje na naučnim dokazima za djecu/učenike, roditelje, odgojno-obrazovne ustanove i medije. U promociji zdravlja (fizičko i mentalno) bitno mjesto zauzimaju i preventivne aktivnosti koje je nadopunjuju. Preventivne aktivnosti nadopunjuju aktivnosti promoviranja zdravlja, ali se od njih razlikuju jer su posebno usmjerene i djeluju na promjenjive rizične i zaštitne faktore za koje se smatra da uzrokuju ili doprinose lošijem zdravlju.

Program prevencija ovisnosti koji je pripremio Institut za razvoj preduniverzitetskog obrazovanja obuhvata 14 aktivnosti, raspoređenih na sljedeći način: 1 aktivnost na nivou predškolskog odgoja i obrazovanja, 9 aktivnosti na nivou osnovnog odgoja i obrazovanja i 4 aktivnosti na nivou srednjeg odgoja i obrazovanja. U predškolskim ustanovama, osnovnom i srednjem nivou obrazovanja realizirat će se 7 aktivnosti tokom 2023/2024. školske godine.

*Shodno navedenom, informišemo Vas da će se u sklopu realizacije tema usmjerneih na prevenciju ovisnosti u odgojno-obrazovnim ustanovama realizirati i navedena tema (prevencija upotrebe SNUS-a).*

S poštovanjem,



Dostaviti:

1. Naslovu
2. A/a

